

## LOU GIBOUS

Margouton souto un poumié  
Que se souloubravo,  
Que se souloubravo d'eici,  
Que se souloubravo d'eila,  
Que se souloubravo.

Un gibous vèn à passa  
Que la regardavo,  
Que la regardavo d'eici,  
Que la regardavo d'eila,  
Que la regardavo.

Margoutoun se me voulias  
Sarias ma mestresso,  
Sarias ma mestresso d'eici,  
Sarias ma mestresso d'eila,  
Sarias ma mestresso.

Pèr que posque cousenti  
Fas sauta la gibo  
Fas sauta la gibo d'eici,  
Fas sauta la gibo d'eila,  
Fas sauta la gibo.

Lou gibous a cousenti  
Que sa gibo sauto,  
Que sa gibo sauto d'eici,  
Que sa gibo sauto d'eila,  
Que sa gibo sauto.

Mio prén soun martelet  
E sa destraletto  
E sa destraletto d'eici,  
E sa destraletto d'eila,  
E sa destraletto.

Lou gibous fai que ploura,  
Dis que vòu sa gibo  
Dis que vòu sa gibo d'eici,  
Dis que vòu sa gibo d'eila,  
Dis que vòu sa gibo.

Mio prèn soun martelet  
Em'un pau de pego  
Em'un pau de pego d'eici,  
Em'un pau de pego d'eila,  
Em'un pau de pego.

Lou gibous siguè countènt  
D'avé mai sa gibo  
D'avé mai sa gibo d'eici,  
D'avé mai sa gibo d'eila,  
D'avé mai sa gibo.